

Henny Eman

E hecho cu Gabinete Oduber a paga e garantia na Italianonan tabata hopi "Dom"

ORANJESTAD(AAN): Durante di e conferencia di prensa cu Ex Prome Minister Eman a duna, a punte su opinion di Gabinete Oduber 3, unda cu Eman a bisa cu e ta pensa cu e Gobierno aki ta horroroso, mirando cu den 4 aña no a haci nada positivo pa nos pais, unda cu ainda nada significante aparte di e Centro Medico a worde haci pa San Nicolas.

Tambe Eman a bisa cu e Gobierno ta traha a base di un mancho di negativismo, di persecucion cu ta destructivo, unda cu e rapport di IMF ta muestra cu e Gobierno mester sinti verguenza.

A puntra Henny Eman tambe riba e hecho cu Gabinete Oduber ta bisa cu



hopi di e debe cu Aruba tin, ta pa motibo di loke AVP a laga atras, y a puntra Eman tambe si e ta pensa cu el a laga atras un Aruba cu un futuro florecente.

Segun Eman e Aruba cu Eman 3 a laga atras tabata un Aruba cu un progreso grandi,

unda cu tur cos tabata ordena, mientras cu tur e problemanan financiero cu tabata tin, a worde solucionado cu e plannan cu tabata tin, entre otro e idea tabata pa bende SETAR na un compania nobo di Gobierno cu a produci pa Gobierno

mas di 400 milyon Florin, cu a "take care" di tur problema pa añanan largo.

Segun Ex Prome Minister di Aruba, e hecho cu Gabinete Oduber a paga e garantianan ta hopi "DOM".

E la sigui bisa cu nan no mester a paga esey nunca, mirando cu Gabinete Eman 3 tabata tin palabra cu Premier di Hulanda e tempo ey Wim Kok, cu hunto nan a bay Roma Italia, pa splica Gobierno di Italia kico a sosode aki na Aruba, unda cu Eman ta bisa di ta sigur cu nunca nan lo mester a paga e placa aki.

Pa loke ta Race Track, nan a haci e fout grandi di cambia

abogado, cu tabata hopi bon prepara pa e caso, y a reemplaza na cu nan mesun abogado cu no tabata sa bringa pa gana e caso.

A puntra Eman tambe riba e problemanan di AZV, unda cu el a splica cu AZV a cuminsa bon, pero na caminda algo a bay malo, sinembargo gabinete Eman 3 tabata tin un plan cla caba prepara pa un compania Mericano pa drecha e problemanan, sinembargo ora cu Booshi a drenta Gobierno, el a benta esaki afo.

Segun Henny Eman pues e problema di AZV yama Booshi Wever.